

Kantonalno tužilaštvo Unsko-sanskog kantona

Ovo Tužilaštvo podiglo je dana 26.04.2013. godine optužnicu koja je potvrđena od strane Kantonalnog suda u Bihaću, protiv:

PROTIV:

ČANKOVIĆ MITRA,

D A J E

Tokom rata u R Bosni i Hercegovini u vrijeme oružanog sukoba između Armije R BiH i vojske R Srpske, kao pripadnik vojske R Srpske – VJ 7421 Sanski Most, suprotno odredbi iz člana 3.stav 1. tačka a Ženevske konvencije o zaštiti građanskih osoba za vrijeme rata od 12.augusta 1949.godine, te člana 4. stav 1. i 2. tačka a Dopunskog protokola o zaštiti žrtava nemeđunarodnih oružanih sukoba u BiH-a (Protokol II) uz navedenu Konvenciju, tako što je:

Dana 19.09. 1995. godine, tokom hapšenja i pritvaranja civila naselja Kijevo, općina Sanski Most od strane pripadnika srpske vojske, iz grupe uhapšenih civila, na uzvišenju zvanom Glavica pokraj naselja Kijevo, izdvojio oštećenog B. I. kojeg je od ranije poznao nakon čega mu je oduzeo novčanik i ličnu kartu a potom sa udaljenosti od oko dva metra, u namjeri da ga liši života, ispalio u ovoga najmanje tri hica u predjelu njegove glave i grudi nanijevši mu višestruke prelome kostiju krova i baze lubanje i prelom donje vilice te višestruke prelome rebara lijevo od kojih povreda je B. I. odmah umro.

Dakle, kao pripadnik vojske R Srpske, kršeći pravila međunarodnog prava za vrijeme rata u R BiH, izvršio ubistvo jednog civila.

Čime je počinio krivično djelo - ratni zločin protiv civilnog stanovništva iz člana 142. stav 1. preuzetog KZSFRJ.